

# Qishloq hayoti

2015 йил йили Кексаларни эъволаш

Қишлоқ ҳаёти

Ўзбекистон Республикаси ижтимоий-иқтисодий газетаси

[www.qishloqhayoti.uz](http://www.qishloqhayoti.uz)

2015-ЙИЛ 5-ФЕВРАЛ, ПАЙШАНБА, 15 (8408)-сон

1974-йил 1-январдан чиқа бoshлаган  
Баҳоси келишилган нархда.



## «КИЧИК ОЛИМПИАДА» ДАН ЖАҲОН МАЙДОНЛАРИГА

*“Сизларнинг чуқур, замонавий билимлар олиш ва маънавий юксалиш билан бир қаторда, спорт мусобақаларида қатнашингиз, қизғин кураш ва беллашувларда жисмоний чиниқиб, иродангизни тоблаш, қийинчиликларни енгиш йўлидаги интилишларингиз келгуси ҳаётингизда янги-янги ютуқларга эришишда, ҳар томонлама етук инсонлар бўлиб вояга етишингизда мустаҳкам пойдевор бўлишига ишонаман”.*

Президентимиз Ислам Каримовнинг 2002 йили Фарғона вилоятида илк мартаба ўтказилган “Умид ниҳоллари” спорт ўйинлари қатнашчиларига йўлаган табригида айтилган бу сўзлар бугун соғлом ва баркамол авлод бўлиб

вояга етаётган, ўз иқтидори ва салоҳияти билан юртимиз равнақи-га, унинг халқаро майдондаги обрў-эътибори юксалишига муносиб ҳисса қўшаётган ўғил-қизларимиз тимсолида ўз исботини топмоқда.

Мамлакатимизда жорий қилинган таълим соҳасидаги уч босқичли узлуксиз спорт тизими – “Умид ниҳоллари”, “Баркамол авлод” ва Универсиада спорт ўйинлари юртимизда ана шундай навқирон авлодни вояга етказишда

муҳим аҳамият касб этмоқда, миллионлаб спортсевар ёшларимизга бир олам қувонч, ғалаба нашидасини, унутилмас лаҳзаларни ҳаёда этадиган ёшлик ва баркамоллик байрамига айланмоқда.  
(Давоми 3-саҳифада)

### САҲИФАЛАРДА:

#### МУЗЕЙЛАР МОЗИДАН СЎЗЛАР

Бугун юртимизда 224 та музей намунаси феолият юритмоқда.

2

#### ЖАЖЖИ ҚАЛБЛАР ФАН ЧЎҚҚИЛАРИНИ КЎЗЛАР

Юртимизда ўсиб келаётган ёш авлодни ҳар томонлама баркамол этиб вояга етказиш учун барча шарт-шароит ва имкониятлар етарли.

3

#### «BS-ASAHİ» ЎЗБЕКИСТОН ҲАҚИДА

Япониянинг «BS-Asahi» телеканали «Ima Sekai wa» («Бугунги дунё») дастури доирасида Ўзбекистонга бағишланган телекўрсатувни эфирга узатди.

4

#### ҚИШ ДАСТУРХОНИДА ҚАЙСИ МЕВАЛАР БЎЛИШИ КЕРАК?

Тиббиёт ходимлари қишда ейлиши лозим бўлган бир қатор ҳўл меваларни тавсия этишади. Яъни ушбу мевалар инсон иммунитетини ошириши ҳамда кўпгина хасталиклардан ҳимоя қилиши билан ажралиб туради.

8





Қашқадарё Вилояти

Мамлакатимизда ёшларга замонавий билим ва касб-хунарларни эгаллаши учун барча шарт-шароит ва қулайликлар яратилгани боис, кўплаб ўғил-қизларимиз халқаро фан олимпиадалари, спорт мусобақалари, фестиваль ва кўрик-танловларда иқтидор ва салоҳиятини намойиш этиб Ўзбекистонимиз шухратини бутун дунёга кўз-кўз қилмоқда.

## ЖАЖЖИ ҚАЛБЛАР ФАН ЧЎҚҚИЛАРИНИ КЎЗЛАР

Халқимизда бола бошдан деган пурмаъно ҳикмат бор. Чиндан ҳам мактаб остонасига қадам қўйган жажжи болакайга қаратилган эътибор, берилган пухта билим, албатта, ўз самарасини беради. Агар таъбир жоиз бўлса, биринчи синфга қадам қўйган болакай – янги ниҳол. Уни қанчалик эътибор билан парвариш қилсак, у шунчалар кўкка бўй чўзиб, азим дарахтга айланади. Бугун юртимизда ўсиб келаётган ёш авлоднинг тафаккури бой, салоҳияти юксак, замонавий илму-фан сирларини чуқур ўзлаштирган шахс сифатида камол топиши учун барча шарт-шароит ва имкониятлар етарли. Биз педагогларнинг вазифамиз эса ота-оналар билан ҳамкорликда ўғил-қизларимизга тўғри таълим-тарбия беришдир. Зеро, Президентимизнинг «Юксак маънавият – энгилмас куч» асарида таъкидланганидек, «Таълимни тарбиядан, тарбияни эса таълимдан ажратиб бўлмади».

Ҳозирда таълим соҳасида олиб борилаётган изчил ислохотлар замирида ҳам ана шу эзгу ниятлар муҳасам. Давлатимиз раҳбарининг 2012 йил 10 декабрдаги «Чет тилларни ўрганиш тизимини янада такомиллаштириш чора-тадбирлари тўғрисида»ги Қарори билимни, зукко йигит-қизлар сафини янада кенгайтириш, уларнинг замонавий талаблар асосида илм олишга бўлган қизиқишини кучайтириш, хорижий тилларни билиш даражасини юксалтиришда муҳим дастуриламал бўлмоқда. Мазкур қарорга мувофиқ мактабимизда чет тиллари, хусусан, инглиз тили дарслари биринчи синфдан ўйин тарзидаги дарслар ва оғзаки нутқ сабоқлари шаклида, иккинчи синфдан эса алифбо, ўқиш ва грамматикани ўзлаштириш йўналишида босқичма-босқич ўқитилмоқда.

Яна бир эътиборли томони, бир пайтлар фан олимпиадалари фақатгина юқори синфлар ўртасида ташкил этилган бўлса, ҳозирга келиб, билимлар беллашуви барча синфларда, ҳатто бошланғич синфларда ҳам ўтказилапти. Бу кичик олимпиадалар қишки таътил кунларида иқтидорли болажонларнинг билимларини синовдан ўтказди. Асосийси, бу беллашувларда боланинг ота-онаси ҳам фарзандининг ёнида туради. Бу эса боланинг ўзига ишониши қаторида, ота-онанинг қизиқишини ҳам ортттиради.

Президентимиз таъкидлаганидек, Ватанимизнинг келажаги, халқимизнинг эртанги куни, мамлакатимизнинг жаҳон ҳамжамиятидаги обрў-эътибори авваламбор фарзандларимизнинг унийб-ўсиб, қандай инсон бўлиб ҳаётга кириб боришига боғлиқдир. Биз мураббийлар эса ана шу ҳақиқатни ҳеч қачон унутмаслигимиз керак.

**Лола ҚУЛМАТОВА,**  
Фузор туманидаги 1-умумтаълим  
мактаби бошланғич синф  
ўқитувчиси.

# «КИЧИК ОЛИМПИАДА»ДАН ЖАҲОН МАЙДОНЛАРИГА

(Боши 1-саҳифада)

## БАРКАМОЛ АВЛОД ОРЗУСИ

Халқимизда яхши одат бор: оилада фарзанд дунёга келса, унга атаб битта кўчат экади. Бунинг ҳикмати шуки, меҳр ва парвариш билан она заминдан куч-қувват олиб, илдизлари бақувват бўлиб ўсган ниҳол кўкка бўй чўзгани каби, яхши таълим-тарбия олиб, ҳам маънан, ҳам жисмонан соғлом бўлиб улғайган фарзандлар эл-юртга, ота-онасига раҳмат келтиради.

Болалигимизда бобую момоларимиз, ота-оналаримиз айтган эртақларни – ори учун талашган Алпомишу Барчинойни, эл-юрт тинчлигини ўйлаб жонини хатарга қўйишдан бош тортмаган Широқни эсланг. Бу каби эртагу афсоналарда, дostonларда комил инсон тимсоли, унинг қахрамонликлари куйланган, авлодларга ибрат қилиб кўрсатилган. Халқимиз шу билан фарзандларини мард, жасур, ватанларвар инсонлар қилиб вояга етказишга интиланган. Зеро, баркамол авлод орзуси – халқимизнинг эзгу мақсади, барча интилишларимиз негизидир.

Президентимиз Ислам Каримов раҳнамолигида ёш авлоднинг интеллектуал қобилияти ва истеъдодини рўёбга чиқариш, уларни соғлом ва баркамол этиб тарбиялашга алоҳида эътибор қаратилмоқда. Юртбошимизнинг «Фарзандларимиз биздан кўра кучли, билимли, доно ва албатта, бахтли бўлишлари шарт!» деган пурҳикмат даъвати ҳаётимизда ўз ифодасини топмоқда.

Мустақилликнинг дастлабки йилларида таълим тизимида узоқни кўзлаб амалга оширилган эзгу саъй-ҳаракатларнинг натижаларига бутун дунё тан бермоқда. Юртимизнинг барча ҳудудларида қад ростлаган замонавий таълим-тарбия масканлари, у ерда ёшларнинг мукамал билим олиши учун яратилган кенг имкониятлар дарҳақиқат кишини лол қолдиради.

Ўтган йили мамлакатимизда 380 мактаб, 160 дан ортқ касб-хунар коллежи ва академик лицей тубдан янгиланди. Мазкур мақсадлар учун қарийб 550 миллиард сўм сарфланди. Ушбу маблағларнинг 120 миллиард сўмдан ортиғи таълим масканларини ўқув-лаборатория ва ишлаб чиқариш ускуналари, компьютер

ва мультимедиа воситалари билан таъминлаш учун ажратилди.

2011-2016 йилларда олий таълим муассасаларининг моддий-техник базасини модернизация қилиш дастури доирасида 19 олий ўқув юртида қурилиш-реконструкция, капитал таъмирлаш ва жиҳозлаш бўйича қиймати 230 миллиард сўмлик ишлар бажарилди. Бу ишларни илгари тасаввур қила олармидик?! Ана шунинг ўзиёқ юртимизда ёш авлод камолотига нечоғли эътибор қаратилаётганидан далолатдир.

## ЭЗГУ МАҚСАДЛАРГА ҚАНОТ

Ўғил-қизларининг соғлом ва маънан етук инсонлар бўлиб вояга етишида спорт муҳим воситалардан бири экани ҳеч кимга сир эмас. Мамлакатимизда спорт ривожига қаратилаётган юксак эътибор, яратилаётган барча зарур шароитлар ўғил-қизлар ўртасида спорт турларининг оммалашшида, уларни соғлом турмуш тарзига жалб этишда муҳим аҳамият касб этмоқда.

Президентимизнинг ғояси ва ташаббуси билан жорий қилинган уч босқичли спорт мусобақалари бугунги кунда мамлакатимизнинг миллионлаб ўқувчи-ёшларини ўзига қамраб олмоқда, уларнинг эзгу орзуларини рўёбга чиқариши учун хизмат қилмоқда.

Мазкур спорт ўйинлари Олимпия ўйинлари тамойилларига тўла мос келиши, мусобақалар адолат, ҳамжихатлик, аҳиллик, дўстлик ва соғлом рақобат руҳида ўтказилиши билан аҳамиятлидир. Бу эса ўз интилиши, шижоати ва мустақкам иродасини намён этган навқирон йигит-қизларни ҳар томонлама қўллаб-қувватлашда муҳим омил бўлмоқда, улар учун катта спортга кенг йўл очилмоқда. Ушбу мусобақаларда кашф этилган иқтидорли спортчиларнинг аксарияти бугунги кунда қатор спорт турлари бўйича қитъа ва жаҳон миқёсидаги мусобақаларда Ватанимиз шарафини муносиб ҳимоя қилмоқда.

– 2009 йили Гулистонда ўтказилган «Умид ниҳоллари» ва 2011 йили Термизда ташкил этилган «Баркамол авлод» спорт ўйинларида бадий гимнастика бўйича эришган муваффақиятларимни ҳозир ҳам ҳаяжон билан эслаймиз, – дейди Ўзбекистон Республикасида хизмат кўрсатган спортчи Замира

Санакулова. – Бу ғалабаларим катта спортга қадам қўйишимда муҳим босқич бўлган.

## ЎҚУВЧИ ЁШЛАРНИНГ СПОРТ БАЙРАМИ

«Умид ниҳоллари» мусобақаси умумтаълим мактаблари ўқувчилари ўртасида ўтказилиши ҳаммага маълум. Унинг «Умид ниҳоллари» дея номланиши шунга ишора. Зеро, ҳар бир инсоннинг қалбида болалик чоғиданоқ, аниқроқ айтадиган бўлсак, мактаб ёшидаёқ улкан орзу-умидлар куртак ёзади.

Мазкур ўйинлар чемпион бўлишни мақсад қилган минглаб ўқувчиларнинг катта спортга илк қадами, том маънода тажриба ва маҳорат мактабига айланган. Мазкур спорт мусобақаси 2002 йили Фарғонада, 2003 йили Хоразмда, 2006 йили Қаршида, 2009 йили Гулистонда, 2012 йили Навоийда юқори савияда ташкил этилди.

Жорий йилда «Умид ниҳоллари – 2015» республика мусобақаларига яна Хоразм вилояти мезбонлик қилади.

Воҳада ўқувчи ёшларнинг спорт байрамига тайёргарлик кўриш ва уни юқори савияда ўтказиш бўйича тизимли ишлар амалга оширилади. Жумладан, Урганч олимпия захиралари коллежи, Урганч давлат университети, Ёшлик шахарчаси, Урганч шахар 2-академик лицейидаги спорт зали, кураш, гимнастика ва теннис заллари, ёпиқ ва очик сув ҳавзалари, ёпиқ спорт манежи, очик теннис корти мажмуаси, талабалар турар жойлари, ошхоналар, ўқув, тиббиёт ва хизмат бинолари, Урганч шаҳридаги «Олимпия» марказий стадиони каби кўплаб спорт ва ижтимоий объектларида қурилиш-таъмирлаш ишлари олиб борилаётган.

Бу йил жами минг нафардан зиёд ўқувчи ўн олти спорт тури бўйича голиблик учун куч сынашади. Аҳамиятли жиҳати, мусобақада ўқувчилар Олимпиададан жой олган спорт турлари бўйича ўз маҳоратини намойиш этади. Демак, улар орасидан келажақда жаҳон миқёсидаги нуфузли мусобақаларда, хусусан, Олимпия ўйинларида юртимиз шаънини муносиб ҳимоя қилишга қодир спортчилар етишиб чиқиши шубҳасиз.

**Байрам АЙТМУРОДОВ,**  
ЎЗА мухбири.

 ДУНЁ НИГОҲИ


# «BS-Asahi» Ўзбекистон ҳақида

Япониянинг «BS-Asahi» телеканали «*Ima Sekai wa*» («Бугунги дунё») дастури доирасида Ўзбекистонга бағишланган телекўрсатувни эфирга узатди.

Унда мамлакатимизнинг улкан сайёҳлик салоҳияти, юртимиз бағрида жойлашган тарихий шаҳарлар, ўзбек халқининг бой маданий мероси сингари мавзулар қамраб олингани баробарида Ўзбекистон – Япония муносабатларининг бугунги ҳолати ва истиқболлари ҳусусида ҳам фикр юритилди.

Қайд этилганидек, Ўзбекистон макроиктисодий ўсишнинг юқори суръатларини намойиш этмоқдаки, бу уни дунёнинг шитоб билан ривожланаётган мамлакатлари қаторидан жой олишини таъминламоқда.

«Республикада катта демографик салоҳият мавжуд бўлиб, унинг асосий қисмини ёшлар ташкил этади. Мамлакат бой табиий ресурсларга ҳам эгадир. Ана шундай омиллар ва чуқур ўйланган ривожланиш стратегияси тўғрисида мустақиллик қўлга киритилганидан буён республикада барқарор ижтимоий-иқтисодий тараққиёт таъминланмоқда. Токиодан Тошкентга «Ўзбекистон ҳаво йўллари» Миллий авиакомпаниясининг тўғридан-тўғри ҳаво қатнови йўлга қўйилган бўлиб, ҳозирги пайтда бир ҳафтада иккита парвоз амалга оширилмоқда» дейди япон журналисти.

Сўнгра телеканал мамлакатимизнинг сайёҳлик имкониятлари ҳақидаги маълумотларни ўз томошабинларининг эътиборига ҳавола қилди. Хабар берилганидек, дунё сайёҳлари Ўзбекистонга катта эътибор билан қарашмоқда. Жаҳон сайёҳлик бозорида республикамизнинг тобора ортиб бораётган нуфузи ҳусусида тўхталар экан, «BS-Asahi» кейинги йиллар давомида Ўзбекистонга бораётган сайёҳларнинг сони 7 баробарга кўпайганини алоҳида таъкидлади:



**«Мамлакатга ташриф буюрган сайёҳлар Тошкент, Самарқанд, Бухоро ва Хива сингари афсонавий шаҳарларда жойлашган меъморий ёдгорликлардан ҳайратга тушадилар. Мазкур тарихий ёдгорликларнинг аксарияти ЮНЕСКО Бутунжаҳон мероси рўйхатидан жой олган».**

Телекўрсатувда Тошкент телеминораси, Алишер Навоий номидаги театр, Самарқанддаги Бибиноним масжиди, Бухородаги Минораи калон, Хиванинг Ичан қалъаси ҳақида атрафлича сўз борди. Алоҳида қайд этилганидек, ана шундай осори-атиқалар хорижий сайёҳларда ва меъморий гўзаллик шайдоларида унутилмас таассуротлар қолдирмоқда.

Юқоридагилардан ташқари, япон экспертлари билан бўлган интервьюлар ҳам мазкур кўрсатув саҳифасидан жой олди. Улар ўсувчан иқтисодий салоҳиятга эга бўлган Ўзбекистон Япония учун Марказий Осиё минтақасидаги энг муҳим мамлакат эканлигини таъкидлашди. Маълум қилинганидек, республикада ҳар томонлама ривожланган, баркамол авлодни тарбиялаш ишига катта эътибор қаратилмоқда. Бугунги кунда ўзбек ёшлари фаоллик билан хорижий тилларни, жумладан, япон тилини ўрганишмоқда.

Ушбу теледастур намойиши япон томошабинлари орасида мамлакатимизга нисбатан қизиқишни янада кучайтирди.

«Жаҳон» АА

Токио

9 ФЕВРАЛЬ – АЛИШЕР НАВОИЙ ТАВАЛЛУД ТОПГАН КҮН

# МАЪНАВИЯТНИ АНГЛАШ ТУЙҒУСИ

Ҳар бир халқнинг тарихида инсониятни баркамолликка етакловчи улуғ алломалари бўлади. Ана шундай алломаларимиздан бири Алишер Навоийдир. Бу улуғ шоирнинг маънавий мероси ноёб бадиий-эстетик аҳамиятга эга бўлиб, халқимиз учун илму маърифатнинг мангу манбаидир.

Бизнинг тарихимиз, шубҳасиз, буюк зотларга тўла, лекин Навоийдек аллома тарихимизда ягонадир. Шу боис ҳам унинг номи ва асарлари асрлар қаъридан ёрқин нур сочиб, маънавият ва адабиёт оламини чароғон этиб келмоқда.

Алишер Навоий умри давомида комил инсон сиймосини яратишга интилни ва буни асарларидаги қаҳрамонларнинг тақдирда моҳирона тасвирлади. Шунинг учун Навоий халқимиз юрагида замонлар оша яшайверади. Президентимизнинг «Юсак маънавият – энгилмас куч» асарига шундай сатрлар бор: **«Ўзбек халқи маънавий дунёсининг шаклланишига гоят кучли ва самарали таъсир кўрсатган улуғ зотлардан бири – бу Алишер Навоий бобомиздир. Инсон қалбининг қувончу қайғусини, эзгулик ва ҳаёт мазмунини Навоийдек теран ифода этган шоир жаҳон адабиёти тарихида камдан-кам топилади. Она тилига муҳаббат, унинг бекиёс бойлиги ва буюклигини англаш туйғуси ҳам бизнинг онгу-шууримиз, юрагимизга, аввало, Навоий асарлари билан кириб келади».**

Ҳозирги даврда Алишер Навоий меросини ёш авлодга чуқур ўргатишимиз зарур. Чунки Навоий асарларида мадҳ этилган халқлар дўстлиги, тинч-тотув яшаш учун кураш, камтарлик, меҳрибонлик, очикқўнгиллик, ширинсуханлик, саховатпешалик, устозга иззат каби фазилатлар ўғил-қизларимизга те-



тик руҳ ва қувват бахш этади.

2011 йилда давлатимиз раҳбарининг ташаббуси ва ғояси асосида Алишер Навоий номидаги Ўзбекистон Миллий кутубхонаси ва Симпозиумлар саройини бирлаштирган «Маърифат маркази» бунёд этилди. Миллий кутубхонада улуғ шоирнинг 20 жилдлик мукамал асарлар тўпламининг электрон шакли яратилди. Фафур Фулом номидаги нашриётда Навоийнинг 10 жилдлик тўла асарлар тўплами юсак матбаа талаблари асосида нашр этилди. Янги тўпламда аввалги нашрлардаги камчиликлар бартараф этилган, сўз ва ибораларга шарҳлар берилган. Бу улуғ шоиримизга чексиз эҳтиромнинг бир намунасидир, холос.

Алишер Навоий меҳнаткаш аҳolini чин дилдан севади, қадрлайди ва улуғлайди. Бунёдкорлик, яратувчилик ишқи билан ёнган, эвазига ўзи ҳам бойлик орттириб, элининг ҳам тўқ-фаровонлигини таъминлайдиган деҳқонларни ўзгача муҳаббат билан тавсифлайди: **«Деҳқонки, дона сочар, ерни ёрмоқ била ризқ йў-**

**лин очар... Деҳқонки, туз-лук била дона сочар, ҳақ бирига етти юз эшигин очар. Сочкон дона кўқаргунча, ўруб хирмон қилиб, махсулин кўтаргунча курту куш андин баҳраманд ва дашт ваҳши анинг била хурсанд. Мўрлар уйи андин обод ва гўрлар хотири анинг била шод. Кабутарларга андин мастлиғ, тўрғайларга андин нишотга ҳамдастлиғ. Ўроқчига андин рўзи, бошоқчининг ёруб андин кўзи».** Ҳазрат Алишер Навоий бу билан деҳқоннинг биргина дона сочиши, яъни экин экиш фаолиятдан чексиз манфаат унади, унинг боғдорчилик ва бошқа қолган ишлари таъриф-тавсифга сизмайди, дейди. Унинг фикрича, деҳқончилик давлат ва жамият бойлиги, тўқлиги ҳамда фаровонлигининг асосий манбаидир.

Алишер Навоийнинг яратган асарларида миллат тақдирини, бирлигини, эл-юрт қайғусини, юртни ободонлаштириш, илм, санъат ва адабиётни ривожлантириш, ахлоқий юсакликка интилиш, гўзаллик ва муҳаббат, шахс эркинлиги, ижтимоий адолат учун кураш ғоялари акс этади. Шунинг учун ҳам бугун ёшлар онги ва шуурида Навоий илгари сурган ғояларни ҳаётга татбиқ қилиш истаги пайдо бўлади.

Мухтасар айтганда, бебаҳо маънавий меросимизни тиклаш, ёшларимизни маънавий камол топтириш учун уларнинг маънавий-руҳий оламини янада бойитиш зарур. Шундагина, Навоий орзу этганидек, жамиятда маънавий баркамол ёшлар кўпаяди, эл шод, мамлакат обод бўлади.

**Мирбаҳодир БАДАЛОВ,**  
юридик фанлари доктори,  
профессор,  
**Мирислом БАДАЛОВ,**  
тадқиқотчи.



ТАЪЛИМ МУАССАСАЛАРИ, КОНЦЕРНЛАР, КОРПОРАЦИЯЛАР, БАНКЛАР,  
ТАШКИЛОТЛАР ВА КОРХОНАЛАР РАЎБАРЛАРИ ДИҚҚАТИГА!

ТОШКЕНТ ИРРИГАЦИЯ ВА МЕЛИОРАЦИЯ ИНСТИТУТИ



Институтда таълим олган бакалавр ва магистрлар мамлакатимиз аграр ва сув хўжалик соҳасида қўлланилиб келаётган замонавий техника ва технологиялар билан кенг таниш бўлиб, иш фаолиятини бозор иқтисодиёти талабларига мос равишда ташкил қилишда мукамал назарий ва амалий билимларга эга бўлган мутахассислар ҳисобланади.

Манзил: 100000, Тошкент шаҳри Қори Ниёзий кўчаси 39-уй.  
Веб-сайт: www.tiim.uz.  
Маълумот учун телефонлар: (998-71) 237-09-85, 237-46-68, факс: (0-371) 237-38-79.

ТОШКЕНТ ИРРИГАЦИЯ ВА МЕЛИОРАЦИЯ ИНСТИТУТИНИНГ  
2014-2015 ЎҚУВ ЙИЛИ БИТИРУВЧИЛАРИ ТЎҒРИСИДА МАЪЛУМОТ

№	ТАЪЛИМ ЙЎНАЛИШЛАРИ НОМИ	Худудлар бўйича битирувчилар сони														
		Битирувчилар сони	Қорақалпоғистон Республикаси	Андижон вилояти	Бухоро вилояти	Жиззах вилояти	Навоий вилояти	Наманган вилояти	Самарқанд вилояти	Сурхондарё вилояти	Сирдарё вилояти	Тошкент вилояти	Фарғона вилояти	Хоразм вилояти	Қашқадарё вилояти	Тошкент шаҳри
<b>БАКАЛАВРИАТ</b>																
1	Касбий таълим: Гидротехника иншоотлари ва насос станцияларидан фойдаланиш	15	-	-	-	-	-	-	2	4	-	2	2	2	1	-
2	Касбий таълим: Ер тузиш ва Ер кадастри	19	-	-	-	1	1	-	-	7	-	2	-	2	4	-
3	Иқтисодиёт (Сув хўжалигида)	57	2	-	1	5	2	2	2	5	1	7	2	4	4	20
4	Менежмент (Сув хўжалигида)	48	1	2	1	4	1	1	1	3	-	9	1	1	7	16
5	Бухгалтерия ҳисоби ва аудит	38	-	-	-	-	-	-	-	2	-	-	1	3	7	25
6	Касбий таълим: Сув хўжалиги ва мелиорация	27	1	-	-	-	2	1	1	5	-	7	-	-	7	3
7	Сув хўжалиги ва мелиорация	282	11	5	2	14	4	5	27	18	11	54	6	13	27	85
8	Экология ва атроф-муҳит муҳофазаси	45	2	2	-	2	-	-	1	4	1	9	2	5	3	14
9	Сув омборлари гидрологияси	21	-	-	3	1	-	-	2	1	1	4	-	2	2	5
10	Сув хўжалиги ва мелиорация ишларини механизациялаш	182	-	3	-	14	8	1	14	19	9	35	-	9	27	43
11	Ҳаётий фаолият хавфсизлиги	22	-	-	-	1	-	1	-	12	-	2	-	-	1	5
12	Электр энергетикаси (Сув хўжалигида)	49	-	1	2	-	1	2	1	3	5	7	1	4	10	12
13	Геодезия, картография ва кадастр (Сув хўжалигида)	47	4	4	-	2	1	2	3	5	2	9	-	-	7	8
14	Ер тузиш ва Ер кадастри	95	2	1	3	4	-	3	2	11	4	18	2	6	3	36
15	Гидротехника иншоотлари ва насос станцияларидан фойдаланиш	99	2	1	3	7	3	8	8	10	2	13	2	5	6	29
16	Гидротехника қурилиши	45	-	-	3	2	2	1	2	4	2	12	1	4	2	10
17	Ирригация тармоқлари сув энергиясидан фойдаланиш	38	-	-	-	-	-	3	-	6	-	11	1	1	-	12
18	Технологик жараёнлар ва ишлаб чиқариш автоматлаштириш ва бошқариш	65	3	-	3	4	2	1	3	4	1	12	-	-	8	24
	<b>ЖАМИ:</b>	1194	28	19	21	61	27	31	69	123	39	213	21	61	125	352
<b>МАГИСТРАТУРА</b>																
1	Иқтисодиёт (сув хўжалигида)	5	-	-	-	-	-	-	-	-	1	-	-	-	1	3
2	Менежмент (сув хўжалигида)	7	-	-	-	1	-	-	-	-	-	-	1	-	-	2
3	Электр таъминоти	5	-	-	-	1	-	-	-	-	-	1	-	-	2	1
4	Технологик жараёнлар ва ишлаб чиқаришни автоматлаштириш (сув хўжалигида)	4	-	-	1	-	-	-	-	-	-	1	-	-	1	1
5	Гидромелиорация	5	1	-	-	-	-	-	-	-	-	2	-	-	1	1
6	Сув кадастри ва сув ресурсларидан самарали фойдаланиш	7	-	-	-	-	1	-	1	-	1	1	-	-	1	2
7	Гидромелиоратив тизимлардан фойдаланиш	5	-	-	-	-	-	1	-	1	-	2	-	-	-	1
8	Мелиорация ва сугорма деҳқончилик	10	2	-	2	-	-	-	-	2	-	1	-	1	1	1
9	Гидротехника иншоотлари (сув хўжалигида)	4	-	-	-	1	-	-	-	-	-	1	-	-	-	2
10	Гидротехника иншоотларидан фойдаланиш, уларнинг ишончилиги ва хавфсизлиги	7	-	-	-	1	2	-	-	1	-	1	-	-	-	2
11	Насос станцияларидан ва қурилмаларидан фойдаланиш ва ташхиси	2	-	-	-	-	-	-	-	-	-	1	-	1	-	-
12	Ер ресурсларидан фойдаланиш ва бошқариш	8	1	1	-	2	1	1	-	-	-	1	-	-	-	1
13	Геодезия ва картография (сув хўжалигида)	9	-	-	1	1	-	-	-	-	-	1	-	-	3	3
14	Гидромелиоратив ишларини механизациялаш	14	-	-	1	1	-	1	2	2	-	-	-	-	-	7
15	Атроф-муҳит муҳофазаси (тармоқлар бўйича)	9	-	1	-	-	1	1	-	-	-	1	-	1	-	4
16	Атроф-муҳит муҳофазаси (геоахборот тизимлар бўйича)	2	-	-	-	-	-	-	-	-	-	-	-	-	-	2
17	Атроф-муҳит муҳофазаси (халқаро ер ва сув ресурсларини бошқариш)	2	-	-	-	-	-	-	-	-	-	-	-	-	-	2
	<b>ЖАМИ:</b>	105	4	2	5	8	5	4	3	6	2	14	1	3	10	36





